

DEO OPTIMO MAX.

37.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA,  
QUOD LIBETARIIS DISPUTATIONIBUS,  
*manè discutienda in Scholis Medicorum, die Martis vigesima-secundâ  
mensis Februarii, anno Domini M. DCC. LXXIV.*



M. LUDOVICO-GABRIEL DUPRÉ, Serenissimi Principis  
Condæi Consiliario Medico, Doctore Medico,  
Præfide.

*An in excitandis fonticulis lapis causticus præstantior?*

I.



N variis permultisque morbis qui vel silentio subeunt, vel aperto Marte sæviunt, morituroque homini dùm miserè vivit, intus & extrà insidiantur, non una eademque natura agendi, non una medendi ratio. Plurimane non proficua sæpè perfugia pertentat atque meditatur quibus ab hæc: durius aut diutius impetita sublevari queat. Hinc in morbis sponte suâ tumores, abscessus, ulcera opportunè concitat, quorum beneficio, quidquid inimici, quidquid corrupti intus delitescit foras amandat; ægros à diuturnis ac periculosissimis malis liberat, aut reddit immunes. Ergò optima morborum medicatrix natura. Ergo medicina optima quæ imitatio naturæ. Naturam ubique assecutus est Hippocrates. Hanc etiam in agendo ducem sequitur, qui fonticulos ad servandam vel instaurandam sanitatem in variis corporis partibus excitare allaborat optimus quisque medicus. Hos instituendi ratio vulgò triplex: scalpello, ferro candente, caustico. Ex iis porrò, quæ virtute suâ naturæ voto feliciter respondeat, medentisque scopum tutius pertingat, elige.

## I I.

**F**ONTICULORUM usus, quidquid contrà effutiant Helmontiani, is est imprimis, ut opportunâ scilicet revulsione, exitu facili, quælibet indomita indocilisque regi, tollatur morbi causa, foras expellatur, proindèque morbus ipse perfectè sanari, sin minùs saltem leniri queat. Licet enim remedia quam plurima eaque propè modum tutissima adversus agritudines habeat ars præclara medendi magistra, necnon præsentissimis auxiliis instructa videatur; non nulli tamen, nec ii leves annumerantur affectus præternaturales, quorum causam penitus eradicare selectissimis quibuscumque medicaminibus frustra tentaveris; Pharmacorumque virtutem morbi vis ipsa superet, dum prosperè tunc cedunt fonticuli. Quæ quidem idcò præstat natura, quòd illa sibi præceteris arrideat, palmamque aliis præripere videatur ratio quæ fonticulis caustico lapide excitandis prudens intendit; quòdque experienciâ multiplici teste largiorem imprimis diuturnioremque suppurationem promovendo propositum sibi finem rectiùs assequatur medendi peritus.

## I I I.

**U**T in ipsis curandi viis, sic in gradibus, quæ inflammationi mirè consentit, adustio non absimilis. Combustionem exiguam levior inflammatio, graviorem vehementior excipit. Cujus etià nec resolutio speranda, nec in gangrænâ vel skirrum qui longè pejor, exitus, inflammationem passibus æquis assequitur laudabilis omnino quæ ex naturæ voto fieri debet suppuratio; salutare illud *opus* molimen quo quidquid vitali humorum motui adversatur aut ineptum est à reliquis partibus sanis fecernitur. Parcior etenim ab inflammatione levi, à majori verò largior suppuratio contingit. Quantòque feliciùs succedit utile suppurationis opus, tantò plurius æstimatur illa quæ fonticulis haud immeritò debetur tempestitiva noxii humoris excretio. Partibus admoto apppositoque lapide caustico, cutis eidemque substrata pinguedo vel & ipsa caro sic altius inuruntur, ut corrugatis protinùs disruptisque fibris ac venulis, crustam referant siccissimam quæ graviori exorta inflammatione, suppuratione, soluta tandem penitus excidit, ulcusque relinquit in quo pus natum, collectumque, morâ, calore loci, ipsiusque

jugi cùm pravis corporis liquidis miscelâ acrius factum, semilaceras partes vellicando potentiùs exstimulat. Hinc quâdam veluti suctione huc alliciuntur, depluunt humores, quorum eo major datur affluxus, quod uti sapienter annotavit Hippocrates, collisæ, laceratæ carnes citiùs tabescere, subputrescere debeant: quâque datâ portâ ruunt deleterii sanguinis succi, ultrò pergunt evadere, atque ita in partem illam morbi detonat impetus, dùm benignâ revulsione sanguis ipse defæcatur, sanitas, vitamet ab hoste liberantur infensissimo.

## I V.

**S**CALPELLO contrâ excitatus, hæud aliter quàm vulnuscum simplex habendus est fonticulus, partiumque antea coherentium inter se divisio simplicissima, dùm sola cutis ut plurimum cùm subiecti panniculi adiposi parte inciditur, nullaque proindè aut nulla ferè sit substantiæ jactura; hinc nulla ad suppurationem, ad coalitum verò propensio maxima; vitæque superstes non inimitabili tantum sed prorsus ignoto artificio unit separata, brevique naturalis absolvitur vulneris istius sanatio. Quæ quidem ad tempus prædicitur, talibus immisiss, peregrina vocant, quæ partium adunationem utrumque protelare valeant. Molestissimum etiam & crudele alterum quod ferri candentis ope fonticulos excitandi artificium instituitur. Miserrimos ægrotantes, integrum diem quin & plures dies horrendè cruciari, ejulare videas. Immanis indè, nimiumque protractus dolor vigilias, vigiliæ perturbatos humorum motus, hi verò febrim acutissimam inflammationes, deliria, convulsiones, ineluctabilemque malorum iliadem parturiunt.

## V.

**A**T exclamant nonnulli: compendiosè scalpello fonticulus excitatur, dùm admoto lapide, ad quatuor, sex, octo circiter horas imò ad diem sæpè protelatur, prout scilicet caustici vis, cutis indoles longius aut brevius intervallum postulaverint. Armaturæ profectò levioris argumentum! siquidem ferro licet iste citiùs instituat, proposito tamen evadit impar muneri fonticulus, in causticis verò ea virtus inest quæ suppurationem promoveat, acceleret. Urgent tamen, effrænum causticum & exlex nullis refrænari valet habenis. At præviâ co-

gnitione Chemicâ imprimis instructus, experienciâ fretus, caustici lapidis sic naturam callet medicus, effectusque ad nutum sic moderari imperioque regere potest, ut circa vires & exitus, nihil quidquam habeat incerti, nihil omnino quod metuat. Ingeminant: quàm molestus, tam efficax esse solet, qui ferri candentis ope solet institui fonticulus. Quid non mali verò parere valet horrendus protractusque dolor! neminemque latet sapissimè res esse cum hominibus adeò mediculosis, delicatulis, mulierculis ut animo linquantur ubi vel mentio tantum fit scalpelli, candentisve ferri, nedum viderint, quibus commode tunc, exituque prospero causticus lapis apponitur.

*Ergò in excitandis fonticulis lapis causticus præstantior.*

### DOMINI DOCTORES DISPUTATURI.

*M. Natalis-Nicolaus  
MALLET.*

*M. Marinus-Jacobus-Clarus  
ROBERT, S. Ducis  
Bipontini Archiater, nec-  
non à consiliis & Secretis.*

*M. Joannes - Franciscus-  
Clemens MORAND,  
Eques, in Regiâ Invalido-  
rum domo Medici Coadju-  
tor, Regiæ Scientiarum  
Academiæ Parisiensis so-  
cius Pensionarius, & è Re-  
giâ Societate Londinensi,  
Regii Medicorum Nanceia-  
norum collegii socius ho-  
noriarius, apud Leodicos,  
collegii Medici Assessor ho-  
noriarius, necnon jure ci-  
vilitatis muneratus.*

*M. Franciscus - Ludovicus  
THOMAS D'ONGLÉE.*

*M. Maximilianus-Josephus  
LEYS.*

*M. Martinus NOUGUEZ.*

*M. Guillelmus FUMÉE.*

*M. Joannes DESCOMET,  
censor Regius.*

*M. Ludovicus - Alexander  
GERVAISE.*

Proponebat Parisiis LUDOVICUS DES BOIS DE ROCHEFORT, Eques  
Parisiensis, Saluberrimæ Facultatis Medicinæ Parisiensis Baccalaureus,  
A. R. S. H. 1774. A SEXTA AD MERIDIEM.

---

Typis QUILLAV, Saluberrimæ Facultatis Medicinæ Typographi. 1774.